

U Križevicima otkrivena još jedna masovna grobnica

Pocetak ekshumiranja skeletnih ostataka iz masovne grobnice koju su otkrili mještani Križevica kod Zvornika trebala bi poceti u srijedu, 24. decembra.

Pretpostavlja se da se na lokalitetu Križevackih njiva nalaze ostaci ubijenih Srebrenicana, a ekshumaciju ce obavljati Tužilaštvo Tuzlanskog kantona, u saradnji s ekspertnim timom Instituta za traženje nestalih BiH. Iako su i ranije imali saznanja da se na ovom terenu nalaze skeleti, iz Tužilaštva tvrde da ništa nisu mogli poduzeti, jer je pristup tijelima bio onemogućen zbog mina.

- U pitanju je vrlo rizican teren, ali mještani su nedavno bezbjednim putem došli do mjesta na kojem se na površini nalazi nekoliko tijela, pa smo dobili odobrenje za pocetak ekshumiranja - izjavila je Jasna Subotic, portparol Tužilaštva TK.

Predstavnici Instituta tijela ce predati na analizu u Medunarodni institut za traženje nestalih u Tuzli. Rezultati ispitivanja trebali bi pokazati da li je smrt ovih osoba nastupila nasilnim putem ili su umrli prirodnom smrću, prilikom pokušaja probijanja do slobodne teritorije nakon pada Srebrenice 11. jula 1995. godine. Osim ove, u Križevicima su do sada otkrivene dvije masovne grobnice.